


গণপ্রজাতন্ত্রী বাংলাদেশ সরকার
ধর্ম বিষয়ক মন্ত্রণালয়
আইন শাখা
www.mora.gov.bd

নং-১৬.০০.০০০০.০১৪.০১.০২৮.১৮.৭৩

তারিখঃ ২০/০৫/২০১৮ খ্রিঃ।

বিজ্ঞপ্তি

বাংলাদেশের বৌদ্ধ ধর্মের অনুসারীদের বিবাহবন্ধন, বিবাহবিচ্ছেদ ও উত্তরাধিকারসহ কতিপয় বিষয়ে প্রচলিত রীতি-নীতি ও প্রথা সুসংহতকরণের লক্ষ্যে সরকার বৌদ্ধ পারিবারিক (বিবাহবন্ধন, বিবাহবিচ্ছেদ ও উত্তরাধিকার ইত্যাদি) আইন-২০১৮ প্রণয়নের উদ্যোগ গ্রহণ করেছে। সংশ্লিষ্ট সকলের মতামতের জন্য প্রচলিত আইনের খসড়াটি ধর্ম বিষয়ক মন্ত্রণালয়ের ওয়েবসাইটে প্রকাশ করা হ'ল। এ বিষয়ে কোন মতামত থাকলে ওয়েবসাইটে প্রকাশের পরবর্তী ১০ (দশ) দিনের মধ্যে E-mail-org_sec@mora.gov.bd এ PDF করে পাঠাতে পারেন এবং হার্ডকপি যুগ্মসচিব (সংস্থা), ধর্ম বিষয়ক মন্ত্রণালয়, কক্ষ নং- ১৫১৪, ভবন নং-০৬, বাংলাদেশ সচিবালয়, ঢাকা বরাবর প্রেরণ করার জন্য নির্দেশক্রমে অনুরোধ করা হ'ল।



(মহঃ মনিরুজ্জামান)

উপসচিব


ফোন : ৯৫১৫৫৪৩

sas_org@mora.gov.bd

অনুলিপি সদয় জ্ঞাতার্থে :

- ১। রাষ্ট্রপতির সচিব, রাষ্ট্রপতির কার্যালয়, বঙ্গভবন, ঢাকা।
- ২। সচিব, বৌদ্ধ ধর্মীয় কল্যাণ ট্রাস্ট, ঢাকা।
- ৩। সচিবের একান্ত সচিব, ধর্ম বিষয়ক মন্ত্রণালয়, বাংলাদেশ সচিবালয়, ঢাকা (সচিব মহোদয়ের সদয় অবগতির জন্য)।
- ৪। প্রোগ্রামার (চলতি দায়িত্ব), আইসিটি শাখা, ধর্ম বিষয়ক মন্ত্রণালয় (আইনের খসড়াটি ওয়েবসাইটে প্রকাশের অনুরোধসহ)।
- ৫। যুগ্মসচিব (সংস্থা) এর ব্যক্তিগত কর্মকর্তা, ধর্ম বিষয়ক মন্ত্রণালয়, বাংলাদেশ সচিবালয়, ঢাকা।
- ৬। অফিস কপি।

বিল নং, ২০১৮


১৩৭

বৌদ্ধ ধর্মের অনুসারীদের বিবাহবন্ধন, বিবাহবিচ্ছেদ ও উত্তরাধিকারসহ কতিপয় বিষয়ে প্রচলিত রীতি-নীতি ও প্রথা সুসংহতকরণের লক্ষ্যে আনীত

বিল

যেহেতু বাংলাদেশে বৌদ্ধ ধর্মের অনুসারীদের বিবাহবন্ধন, বিবাহবিচ্ছেদ ও উত্তরাধিকারসহ কতিপয় বিষয়ে প্রচলিত রীতি-নীতি ও প্রথা সুসংহতকরণের লক্ষ্যে বিধান প্রণয়ন সমীচীন ও প্রয়োজনীয়,

সেহেতু এতদ্বারা নিম্নরূপ আইন প্রণীত হইল :

প্রথম অধ্যায়

প্রারম্ভিক

১। সংক্ষিপ্ত শিরোনাম, প্রবর্তন ও প্রয়োগ। (১) এই আইন বৌদ্ধ পারিবারিক (বিবাহবন্ধন, বিবাহবিচ্ছেদ ও উত্তরাধিকার, ইত্যাদি) আইন, ২০১৮ নামে অভিহিত হইবে।

(২) ইহা অবিলম্বে কার্যকর হইবে।

(৩) ইহা বাংলাদেশী বৌদ্ধ ধর্মের অনুসারীদের (পার্বত্য চট্টগ্রাম অঞ্চলের বিভিন্ন উপজাতি, ক্ষুদ্র জাতি-সত্তা এবং নৃ-গোষ্ঠীর বৌদ্ধ অনুসারীগণ ব্যতীত) ক্ষেত্রে প্রযোজ্য হইবে।

(৪) ইহা পার্বত্য চট্টগ্রাম অঞ্চলের বিভিন্ন উপজাতি, ক্ষুদ্র জাতি-সত্তা এবং নৃ-গোষ্ঠীর বৌদ্ধ অনুসারীগণের ক্ষেত্রে প্রযোজ্য হইবে না। তাহা ছাড়া দেশের অন্যান্য এলাকার বৌদ্ধ ধর্মের অনুসারী কোন উপজাতি, ক্ষুদ্র জাতিসত্তা এবং নৃ-গোষ্ঠীর নিজস্ব পারিবারিক আইন বিদ্যমান থাকিলে তাহাদের জন্য এই আইন প্রযোজ্য হইবে না।

২। সংজ্ঞা। বিষয় বা প্রসঙ্গের পরিপন্থী কোনো কিছু না থাকিলে, এই আইনে-

(ক) “বিবাহবন্ধন” অর্থ সমাজ-প্রচলিত ধারায় পুরুষ ও মহিলার স্বামী-স্ত্রী রূপে পারস্পরিক মেলবন্ধনের দ্যোতক বা বিবাহ;

(খ) “বৌদ্ধ” অর্থ বংশপরম্পরায় বৌদ্ধ ধর্মানুসারী পরিবারে জাত-লালিত-পালিত পুরুষ ও মহিলা, বৌদ্ধ ধর্মানুসারী পুরুষ ও মহিলা এবং বৌদ্ধ ধর্মানুসারী পরিবারে আশৈশব বৌদ্ধ ধর্মানুসারে প্রতিপালিত যে কোনো মানবসন্তান এবং বৌদ্ধ ধর্মে দীক্ষিত হইয়াছে এমন পুরুষ ও মহিলা;

(গ) ‘পার্বত্য চট্টগ্রাম অঞ্চল’ অর্থ বাংলাদেশের ভৌগোলিক সীমারেখায় তিন পার্বত্য জেলা রাঙামাটি, খাগড়াছড়ি ও বান্দরবান জেলা।

(ঘ) “সমান পিতৃ-মাতৃক রক্ত” এবং “বৈমাত্রেয় রক্ত” অর্থ যে সন্তানগণ একই পিতার ঔরসে ও একই মাতার গর্ভে জাত তাহারা পরস্পর ‘সমান পিতৃ-মাতৃক রক্ত’ এবং যে সন্তানগণ একই পিতার ঔরসে কিন্তু ভিন্ন মাতার গর্ভে জাত তাহারা পরস্পর ‘বৈমাত্রেয় রক্ত’;

(ঙ) “বৈপিত্রেয় রক্ত” ও “বৈপিত্রেয় সন্তান” অর্থ যে সন্তানগণ একই মাতার গর্ভে কিন্তু ভিন্ন ভিন্ন পিতার ঔরসে জাত তাহারা পরস্পর ‘বৈপিত্রেয় রক্ত’। বৈপিত্রেয় সন্তান অর্থাৎ স্ত্রীর পূর্ব বিবাহবন্ধনজনিত পূর্বস্বামীর ঔরসে জাত সন্তান।

(চ) “সম বংশোদ্ভূত” বা “সমজ্ঞাতিভুক্ত” অর্থ যদি দুই জন ব্যক্তি পরস্পর একই পিতৃপুরুষের বংশধারার রক্তের সম্পর্কে সম্পর্কিত হয় তাহা হইলে একজনকে অপর জনের সমবংশোদ্ভূত বলা হয়। পিতার ভ্রাতার পুত্র কিংবা কন্যা সমবংশোদ্ভূত। কিন্তু পিতার ভগ্নীর পুত্র এবং কন্যা সমবংশোদ্ভূত গণ্য হইবেন না। নর-নারী উভয়ের পিতৃকুলে উর্ধ্বদিকের পাঁচ পুরুষ এবং মাতৃকুলে উর্ধ্বদিকের তিন পুরুষ; এ পাঁচ পুরুষ ও তিন পুরুষ গণনা করিবার সময় নর-নারী ইহাতে অন্তর্ভুক্ত থাকে অর্থাৎ ঐ নর-নারীকে বাদ দিলে যথাক্রমে উর্ধ্বদিকের চার পুরুষ ও উর্ধ্বদিকের দুই পুরুষ;

(ছ) “জ্ঞাতি” অর্থ যদি দুই জন ব্যক্তি পরস্পর পিতৃপুরুষের বংশধারার রক্তের সম্পর্কে সম্পর্কিত নয় অথচ মাতৃকুলের বংশধারার সম্পর্কে সম্পর্কিত হয়, তাহা হইলে একজনকে অপর জনের জ্ঞাতি বলা হয়;

(জ) “সন্তান” অর্থ পুত্র এবং কন্যা। সন্তান বলিতে বিবাহবন্ধনজনিত স্বাভাবিকভাবে জাত পুত্র বা কন্যা এবং সর্বসাধারণের জ্ঞাতসারে দত্তকরূপে গৃহীত পুত্র বা কন্যাকেও বুঝাইবে;

(ঝ) বিবাহ বর্হিভূত জাত সন্তান : বৈধ বিবাহের মাধ্যমে জাত নয় এমন সন্তান। অর্থাৎ যে সন্তান তাহার পিতা/মাতার বিবাহবন্ধনে আইনসম্মতভাবে আবদ্ধ হওয়ার পূর্বে তাহাদের বিবাহ বর্হিভূত সম্পর্কের ফলে জন্মলাভ করিয়াছে। পিতৃপুরুষের সম্পত্তির উত্তরাধিকার লাভের প্রক্ষেপে বিবাহ বর্হিভূত জাত সন্তান উত্তরাধিকারী সন্তান বলিয়া গণ্য হইবে;

(ঞ) “মূলধনী” অর্থ যিনি উত্তরাধিকার সূত্রে বা স্বেপার্জিত স্থাবর অস্থাবর সম্পত্তির মালিক যাহার মৃত্যুর পর তাহার সম্পত্তির উত্তরাধিকারের বিধি ব্যবস্থা কার্যকর হইবে;

(ট) “অধোদিক ধাপের জ্ঞাতিগণ” অর্থ যাহারা মূলধনীর সংগে সম্পর্কিত কিন্তু কোনো উর্ধ্বদিক ধাপের বিচারে নয়। যেমন, পুত্রের কন্যার পুত্র এবং কন্যার পুত্রের পুত্র;

(ঠ) “উর্ধ্বদিক ধাপের জ্ঞাতিগণ” অর্থ যাহারা কেবল উর্ধ্বদিক ধাপের দিক হইতে মূলধনীর সংগে সম্পর্কিত, অধোদিক ধাপের দিক হইতে নহে। যেমন, পিতার মাতার পিতা এবং মাতার পিতার পিতা;

(ড) “সমান জ্ঞাতিবংশোদ্ভূত জ্ঞাতি” অর্থ যাহারা মূলধনীর সংগে উর্ধ্বদিক ধাপ ও অধোদিক ধাপ উভয় দিক হইতে সম্পর্কিত। যেমন, পিতার ভগ্নীর পুত্র এবং মাতার ভ্রাতার পুত্র;

(ঢ) “নির্ভরশীল এবং ভরণ-পোষণের অধিকারী” বলিতে মূলধনীর সংগে সম্পর্কিত নিম্নবর্ণিত ব্যক্তিদের বুঝাইবে :

(১) পিতা

(২) মাতা

(৩) বিধবা স্ত্রী (যতদিন না তিনি অন্য পুরুষের সংগে পুনঃ বিবাহবন্ধনে আবদ্ধ হন);

(৪) পুত্র অথবা পূর্বমৃত পুত্রের পুত্র অথবা পূর্বমৃত পুত্রের পূর্বমৃত পুত্রের পুত্র (যতদিন পর্যন্ত অপ্রাপ্তবয়স্ক থাকে)। তবে শর্ত থাকে যে -

(ক) পৌত্রের অধিকার বর্তাইবে যদি সে তাহার পিতার অথবা মাতার ভূ-সম্পত্তির অথবা অন্য কোনোরূপ সম্পদের আয় হইতে ভরণ-পোষণ না পায়,

৯০৭

১৩৭

- (খ) প্রপৌত্রের অধিকার বর্তাইবে যদি তাহার পিতার অথবা মাতার অথবা পিতামহের অথবা পিতামহীর কোনোরূপ ত্যাজ্যবিত্ত হইতে ভরণ-পোষণ না পায়;
- (৫) অবিবাহিতা কন্যা অথবা পূর্বমৃত পুত্রের অবিবাহিতা কন্যা অথবা পূর্বমৃত পুত্রের পূর্বমৃত পুত্রের অবিবাহিতা কন্যা (বিবাহ না হওয়া পর্যন্ত)। তবে শর্ত থাকে যে—
- (ক) পৌত্রীর অধিকার থাকিবে যদি তাহার পিতার অথবা মাতার কোনোরূপ সম্পত্তি হইতে তিনি ভরণ-পোষণ না পান,
- (খ) প্রপৌত্রীর অধিকার থাকিবে যদি তাঁহার পিতার অথবা মাতার অথবা পিতামহের অথবা পিতামহীর কোনোরূপ সম্পত্তি হইতে ভরণ-পোষণ না পান;
- (৬) বিধবা কন্যা, যদি তিনি—
- (ক) তাঁহার স্বামীর ত্যাজ্যবিত্ত হইতে ভরণ-পোষণ না পান, অথবা
- (খ) তাঁহার পুত্রের অথবা কন্যার (যদি থাকে) কাছ হইতে অথবা তাঁহাদের অবর্তমানে তাঁহাদের ত্যাজ্যবিত্ত হইতে ভরণ-পোষণ না পান, অথবা
- (গ) তাঁহার শ্বশুর-শাশুড়ির অথবা শ্বশুরের পিতার কাছ হইতে অথবা তাঁহাদের যে কোনো একজনের ত্যাজ্যবিত্ত হইতে ভরণ-পোষণ না পান;
- (৭) পুত্রের বিধবা অথবা পূর্বমৃত পুত্রের বিধবা অথবা পূর্বমৃত পুত্রের পুত্রের বিধবা স্ত্রী যতদিন পুনঃবিবাহবন্ধনে আবদ্ধ না হয়, এ শর্তে যে, যদি তিনি তাঁহার স্বামীর ত্যাজ্যবিত্ত হইতে অথবা তাঁহার পুত্রের অথবা কন্যার কাছ হইতে অথবা তাঁহাদের অবর্তমানে তাঁহাদের ত্যাজ্যবিত্ত হইতে কোনরূপ ভরণ-পোষণ না পান; এবং পৌত্রের বিধবা যদি তাঁহার শ্বশুর-শাশুড়ির ত্যাজ্যবিত্ত হইতেও কোনোরূপ ভরণ-পোষণ না পান;
- (৮) অপ্রাপ্তবয়স্ক বিবাহ বর্হিভূত জাত পুত্র;
- (৯) অপ্রাপ্তবয়স্ক কন্যা বা অবিবাহিতা বিবাহ-বর্হিভূত জাত কন্যা (বিবাহ না হওয়া পর্যন্ত);

- (গ) “অপ্রাপ্ত বয়স্ক” অর্থ যে কোন পুরুষ অথবা মহিলা যাহার বয়স আঠার বছর পূর্ণ হয় নাই;
- (ত) “অভিভাবক” অর্থ যে ব্যক্তি (পুরুষ কিংবা মহিলা) কোনো অপ্রাপ্তবয়স্ক পুরুষ অথবা মহিলার অথবা তাঁহার সম্পত্তির অথবা দেহাবয়ব ও সম্পত্তি দুয়েরই কল্যাণকামীরূপে অধিকার সংরক্ষণ করেন;
- (থ) “স্বাভাবিক অভিভাবক” অর্থ অপ্রাপ্তবয়স্কের পিতার এবং/অথবা মাতার সম্পাদিত দলিল দ্বারা নিয়োগপ্রাপ্ত ব্যক্তি; উপযুক্ত আদালত কর্তৃক ঘোষিত অথবা নিয়োগকৃত ব্যক্তি; বা ‘কোর্ট অব ওয়ার্ডস’ প্রদত্ত ক্ষমতাপ্রাপ্ত ব্যক্তি;
- (দ) “আদালত” অর্থ পারিবারিক আদালত অধ্যাদেশ, ১৯৮৫-এর ২ (১) (খ) এবং ৪ ধারায় বর্ণিত আদালত এবং “গার্ডিয়ান এন্ড ওয়ার্ডস্ অ্যাক্ট ১৮৯০ (১৮৯০ এর viii নম্বর অ্যাক্ট) এর ৪ (ক) ধারা বলে ক্ষমতাপ্রাপ্ত এখতিয়ারসম্পন্ন যে কোন দেওয়ানী আদালত।

- (ধ) “বসতভিটি” বলিতে সাধারণ অর্থে মূলধনীর পরিবার-পরিজনসহ স্বাভাবিকভাবে বসবাসের জন্য নির্মিত এক বা একাধিক গহ, তৎসংলগ্ন ভিটিভূমি অনাবাদি জমি অথবা বাগান অথবা

পারিপার্শ্বিক প্রয়োজনে শাক-সবজি উৎপাদনোপযোগী ভূখণ্ড, সফলা বা নিফলা বৃক্ষাদি, ভূমি বা ভূখণ্ড, স্বাভাবিক চলাচলপথ, জলাশয় ইত্যাদি বুঝাইবে।

৩। আইনের প্রাধান্য। বিদ্যমান অন্য কোনো আইনে যাহা কিছুই থাকুক না কেন, এই আইনের বিধানাবলি প্রাধান্য পাইবে।

দ্বিতীয় অধ্যায় বিবাহবন্ধন

- ৪। বিবাহবন্ধন। বৌদ্ধ ধর্মের অনুসারী, প্রত্যেক পুরুষ মহিলা, বিবাহবন্ধনে আবদ্ধ হইতে পারিবেন, যদি
- বিবাহবন্ধনে আবদ্ধ হওয়ার কালে পুরুষ ও মহিলা অবিবাহিত হয় বা পুরুষের পূর্ববিবাহিতা স্ত্রী এবং মহিলার পূর্ববিবাহিত স্বামী বর্তমান না থাকে;
 - বিবাহবন্ধনকালে কোনো পক্ষ (পুরুষ-মহিলা) মস্তিষ্ক বিকৃত কিংবা দৈহিক মানসিক সুস্থতা বিবর্জিত না হয়;
 - বিবাহবন্ধনকালে বরের বা পাত্রের বয়স একুশ বছরের এবং কনের বা পাত্রীর বয়স আঠার বছরের কম না হয় এবং যদি বর-কনে উভয়ের নিঃশর্ত সম্মতি থাকে;
 - বিবাহবন্ধনে ইচ্ছুক পুরুষ মহিলা পরস্পর নিষিদ্ধ রক্ত সম্পর্কের না হয়।

৫। বিবাহবন্ধনে পালনীয় অনুষ্ঠানাদি।

বৌদ্ধ বিহার বা অন্য কোন স্থানে বৌদ্ধ ভিক্ষুর ধর্মীয় অনুষ্ঠানাদি প্রতিপালনের মাধ্যমে বিবাহবন্ধন অনুষ্ঠান সম্পন্ন হইবে। অতঃপর গৃহী মন্ত্রদাতার মাধ্যমে সমাজে প্রচলিত আচারাদি পালন ও নিয়মাদি অনুসরণের মাধ্যমে সামাজিকভাবে বিবাহ অনুষ্ঠান সম্পন্ন হইবে।

৬। বিবাহবন্ধনের নিবন্ধন। (১) অন্য কোনো আইন, প্রথা ও রীতিনীতি ইত্যাদিতে যাহা কিছুই থাকুক না কেন, এই আইনের বিধান অনুসারে সংশ্লিষ্ট বৌদ্ধ বিহারের বিহারাধ্যক্ষ/বিহার পরিচালনা কমিটির মাধ্যমে প্রতিটি বিবাহ নির্ধারিত ফি প্রদান, নির্ধারিত ফরম পূরণ এবং নির্ধারিত পদ্ধতি অনুসরণপূর্বক নিবন্ধন করিতে হইবে। উক্ত ফরম বাংলাদেশের প্রতিটি বৌদ্ধ বিহারে সংরক্ষিত থাকিবে। বাংলা এবং ইংরেজি উভয় ভাষায় এই ফরম ছাপানো যাইবে।

(২) বিবাহকার্য সম্পাদিত এলাকার ইউনিয়ন পরিষদ/পৌরসভা/সিটি কর্পোরেশন অফিসে সংশ্লিষ্ট বিবাহ নিবন্ধন নথিতে অন্তর্ভুক্ত/রেজিস্ট্রেশন হইবে। এই প্রমাণপত্রের অনুলিপি বিবাহবন্ধন অনুষ্ঠানে মঙ্গলসূত্র দেশক ভিক্ষু, মন্ত্রদাতা গৃহী, বর-কনের নিজ নিজ এলাকার ইউনিয়ন পরিষদ/পৌরসভা/সিটি কর্পোরেশন কর্তৃপক্ষকে প্রদান করিতে হইবে।

(৩) উপ-ধারা (১)-এ উল্লিখিত ফি, ফরম এবং নিবন্ধন পদ্ধতি বিধি দ্বারা নির্ধারিত হইবে।

(৪) প্রত্যেক বছরের শুরুতে নিবন্ধন নথিতে বৎসরভিত্তিক নতুন ক্রমিক নম্বর উল্লেখপূর্বক বিবাহ নিবন্ধন করিতে হইবে।

(৫) কোন বিবাহ এই আইনের অধীনে নিবন্ধিত না হইলে শুধুমাত্র এই কারণে কোন বৌদ্ধ বিবাহের বৈধতা ক্ষুণ্ণ হইবে না। তবে বিবাহের ১ (এক) বছরের মধ্যে নিবন্ধন সম্পন্ন না করিলে তা ফৌজদারী অপরাধ হিসাবে গণ্য হইবে এবং বর কনে সংশ্লিষ্ট আদালত কর্তৃক সর্বোচ্চ ১০ (দশ) হাজার টাকা অর্থ দণ্ডে দণ্ডনীয় হইবেন। একই সাথে ৩ মাসের মধ্যে বিবাহ নিবন্ধন সম্পন্ন করিয়া সংশ্লিষ্ট কাগজ-পত্র আদালতে দাখিল করতঃ

৬(২) উপ-ধারার বিধান প্রতিপালন করিতে হইবে।

৭। বিবাহবন্ধন বাতিল। (১) ধারা ৪-এ বর্ণিত শর্তসমূহ যথাযথভাবে প্রতিপালন না করিয়া কোনো বিবাহবন্ধন সংঘটিত হইলে, স্বামী বা স্ত্রী যে কেহ উক্ত বিবাহবন্ধন বাতিল ঘোষণার জন্য পারিবারিক আদালতে মামলা দায়ের করিতে পারিবেন;

(২) নিম্নবর্ণিত কারণে কোনো বিবাহবন্ধন বাতিলযোগ্য বলিয়া গণ্য হইবে, যথা :

(ক) বিবাহবন্ধনে ৪ ধারার উপধারা (খ) লঙ্ঘিত হইলে; অথবা

(খ) বিবাহবন্ধনপূর্ব সময়ে কনে পরপুরুষের সঙ্গে শারীরিক সম্পর্কের কারণে গর্ভবতী হইলে বা স্বামীর অন্য নারীর সহিত শারীরিক সম্পর্কের কারণে উক্ত নারী গর্ভবতী হইলে।

৮। একাধিক বিবাহ। (১) কোনো ব্যক্তির একাধিক স্ত্রী থাকা আইনত দণ্ডনীয় অপরাধ। তবে স্ত্রী বন্ধ্যা বা সন্তান ধারণে সম্পূর্ণ অক্ষম হইলে, সেই ক্ষেত্রে স্ত্রীর লিখিত সম্মতি গ্রহণপূর্বক সংশ্লিষ্ট বিহার পরিচালনা কমিটির অনুমতি সাপেক্ষে স্বামী দ্বিতীয় বিবাহ করিতে পারিবেন।

(২) স্ত্রী বিদ্যমান অবস্থায় কোন ব্যক্তি যদি স্ত্রীর অমতে পুনরায় বিবাহবন্ধনে আবদ্ধ হন তাহা হইলে তিনি আদালত কর্তৃক সর্বোচ্চ ৪ (চার) বৎসর বিনাশ্রম কারাদণ্ড বা সর্বোচ্চ ১০ (দশ) হাজার টাকা অর্থ দণ্ড বা উভয় দণ্ডে দণ্ডিত হইবেন।

৯। বিবাহ বিচ্ছেদ। (১) স্বামী বা স্ত্রী বিবাহের পর যে কোনো সময় বিবাহবন্ধন বিচ্ছেদ অথবা স্বতন্ত্রভাবে বসবাসের জন্য পারিবারিক আদালতে মামলা দায়ের করিতে পারিবে, যদি

(ক) স্বামীর সন্তান জন্মদানে অক্ষম হইলে বা পুরুষত্বহীনতার কারণে বা স্ত্রীর শারীরিক অক্ষমতার কারণে পরস্পরের মধ্যে দাম্পত্য সম্পর্ক টিকিয়ে রাখা সম্ভব না হইলে; অথবা

(খ) বিবাহবন্ধনের পরে স্বেচ্ছাপ্রণোদিত হইয়া স্বামী স্ত্রী ভিন্ন অন্য কোন নারীর সঙ্গে এবং স্ত্রী স্বামী ভিন্ন অন্য কোন পুরুষের সঙ্গে শারীরিক সম্পর্ক স্থাপন করেন; বা

(গ) মামলা দায়েরের তারিখ হইতে বিবাদী নিরবচ্ছিন্নভাবে ন্যূনতম দুই বৎসর পূর্ব হইতে ইচ্ছাপূর্বকভাবে বাদীকে পরিত্যক্ত অবস্থায় রাখেন; বা

(ঘ) বিবাদী বৌদ্ধ ধর্ম পরিত্যাগ করিয়া অন্য কোনো ধর্ম গ্রহণ করেন বা অন্য ধর্মাবলম্বীর সহিত বিবাহবন্ধন জনিত কারণে বৌদ্ধ ধর্ম পরিত্যাগ করেন; অথবা

(ঙ) বিবাদী নিরবচ্ছিন্নভাবে অনারোগ্য মানসিক বিকারগ্রস্ত হন; অথবা

(চ) অবিরামভাবে কিংবা সবিরামভাবে এমন মানসিক বিশৃংখলায় ভুগিতে থাকেন যে, বাদী যুক্তিসংগত কারণে বিবাদীর সঙ্গে শান্তিপূর্ণভাবে স্বাভাবিক দাম্পত্য জীবন যাপন করিতে অপারগ হন বা বিবাদী যদি নিষ্ঠুর দৈহিক ও মানসিক আচরণ করেন; অথবা

(ছ) বিবাদী স্থায়ীভাবে সংসারজীবন পরিত্যাগ করিয়া বৌদ্ধ ভিক্ষু/ভিক্ষুণী সংঘের অন্তর্ভুক্ত হন; অথবা

(জ) বিবাদী নিরবচ্ছিন্নভাবে সাত বছর কিংবা উহার অধিককাল যাবৎ নিখোঁজ থাকেন।

(ঝ) বিবাদী আদালত কর্তৃক চূড়ান্ত রায়ে সাত বৎসর বা বেশি সময়ের জন্য সাজাপ্রাপ্ত হন।

(২) উপ-ধারা (১) অনুসারে আদালতে কোন মামলা দায়ের করা হইলে আদালত যদি এই মর্মে সন্তুষ্ট হন যে, বিবাহবিচ্ছেদের যথেষ্ট কারণ বিদ্যমান রহিয়াছে, তাহা হইলে আদালত যাহা সুজিযুক্ত বিবেচনা করিবেন সেই মোতাবেক ডিক্রি প্রদান করিবেন।

(৩) উপ-ধারা (২) এর বিধান অনুযায়ী আদালত কোনো রায় প্রদান করিলে এবং উক্ত রায়ের পরিপ্রেক্ষিতে যদি কোনো পক্ষ ৩০ (ত্রিশ) কার্যদিবসের মধ্যে আদালতে রিভিউ আরজি দায়ের করেন এবং উক্ত আরজিতে যদি ইতিপূর্বে প্রদত্ত রায়টি রহিত করিবার যথেষ্ট কারণ রহিয়াছে বলিয়া আদালত মনে করেন তাহা হইলে আদালত উক্ত রায় রহিত করিতে পারিবেন।

১৪

১০। দাম্পত্য জীবন পুনরুদ্ধার। স্বামী কিংবা স্ত্রী যদি কোনো যৌক্তিক অজুহাত বা কারণ ব্যতীত স্বামী স্ত্রীর কিংবা স্ত্রী স্বামীর সংগে দাম্পত্য সম্পর্ক হইতে বিরত থাকেন বা নিজেকে প্রত্যাহার করিয়া নেন, তবে সংক্ষুব্ধ পক্ষ দাম্পত্য জীবন পুনরুদ্ধারের জন্য পারিবারিক আদালতে মামলা দায়ের করিতে পারিবে।

১১। স্বামী-স্ত্রীর পারস্পরিক সম্মতিক্রমে বিবাহ বিচ্ছেদ। (১) স্বামী ও স্ত্রী পারস্পরিক সম্মতিক্রমে পারিবারিক আদালতে বিবাহ বিচ্ছেদের জন্য মামলা দায়ের করিতে পারিবেন, যদি

(ক) মামলা দায়েরের তারিখ হইতে এক বছর বা ততোধিককাল পূর্ব হইতে স্বামী ও স্ত্রী অযৌক্তিক কারণে পরস্পর পৃথকভাবে বসবাস করেন; অথবা

(খ) স্বামী বা স্ত্রীর পরস্পরের একত্রে বসবাস অসম্ভব হয়; অথবা

(গ) বিবাহ বিচ্ছেদ ঘটানো একান্তই আবশ্যিক এই বিষয়ে পরস্পর ঐকমত্যে উপনীত হন।

১২। বিবাহবিচ্ছেদের পর পুনঃবিবাহ। (১) আদালত কর্তৃক বিবাহবন্ধন বিচ্ছেদের রায় বা ডিক্রি ঘোষণার তারিখ হইতে ৩০ (ত্রিশ) দিনের মধ্যে যদি বাদী বা বিবাদী কোনো পক্ষ আপিল দায়ের না করেন অথবা যথাযথ সময়ের মধ্যে আপিল দায়ের করা হইলেও তাহা যদি খারিজ হইয়া যায়, তাহা হইলে বিবাহবন্ধন বিচ্ছেদপ্রাপ্ত পুরুষ অন্য কোনো নারীর সঙ্গে এবং নারী অন্য কোনো পুরুষের সঙ্গে পুনর্বার বিবাহবন্ধনে আবদ্ধ হইতে পারিবেন।

(২) সুস্থ মস্তিষ্ক ও স্বাধীন সম্মতিদানে সক্ষম বিচ্ছেদপ্রাপ্ত স্বামী-স্ত্রী যে কোনো সময় ধারা ৫ এর বিধান প্রতিপালনপূর্বক পুনরায় বিবাহবন্ধনে আবদ্ধ হইতে পারিবেন।

১৩। বিধবার বিবাহবন্ধন। কোনো স্ত্রী স্বামীর মৃত্যুর পর কোনো পুরুষের সহিত পুনর্বার বিবাহবন্ধনে আবদ্ধ হইতে পারিবেন।

১৪। বিবাহবন্ধন বাতিল এবং বাতিলযোগ্য বিবাহজনিত জাত সন্তানের বৈধতা। কোন বিবাহবন্ধন আদালত কর্তৃক বাতিল ঘোষিত হইলে বা কোনো বাতিলযোগ্য বিবাহবন্ধন আদালত কর্তৃক বিচ্ছেদ ঘোষিত হইলে উক্ত বাতিল ঘোষণা বা বিচ্ছেদ ঘোষণার পূর্বে বাতিল বিবাহবন্ধন বা বিচ্ছেদকৃত বিবাহবন্ধনের দম্পতির জাত সন্তান বৈধ বলিয়া গণ্য হইবে।

তৃতীয় অধ্যায় উত্তরাধিকার

১৫। যোগ্য উত্তরাধিকার। কোনো মৃত বৌদ্ধ মূলধনীর ত্যাজ্য সম্পত্তি, লিখিত ও নিবন্ধিত দলিল ব্যতিরেকে, কেবলমাত্র নিম্নলিখিত বৌদ্ধ উত্তরাধিকারীগণ প্রাপ্য হইবেন, যথা :

(ক) তফসিলে বর্ণিত প্রথম শ্রেণীর উত্তরাধিকারীগণ;

(খ) তফসিলে বর্ণিত দ্বিতীয় শ্রেণীর উত্তরাধিকারীগণ;

(গ) (ক) ও (খ) শ্রেণীতে বর্ণিত কোনো উত্তরাধিকারী না থাকিলে মূলধনীর সমবংশোদ্ভূত ব্যক্তিগণ এবং

(ঘ) (ক) (খ) ও (গ) শ্রেণীর অন্তর্ভুক্ত কোন উত্তরাধিকারী না থাকিলে জ্ঞাতিবর্গ।





১৬। উত্তরাধিকারীর অগ্রগণ্যতা। উত্তরাধিকারিত্ব লাভের ক্ষেত্রে তফসিলে সুনির্দিষ্টভাবে বর্ণিত

উত্তরাধিকারীগণের মধ্যে

(ক) প্রথম শ্রেণীতে বর্ণিত উত্তরাধিকারীগণ, অন্যান্য সকল উত্তরাধিকারী ব্যতীত ধারা ১৭-এর বিধান অনুযায়ী নির্ধারিত হারে সম্পত্তি লাভ করিবেন। প্রথম শ্রেণির উত্তরাধিকারীগণের মধ্যে কেহ জীবিত না থাকিলে তফসিলে তালিকাভুক্তির ক্রমানুসারে পর্যায়ক্রমে দ্বিতীয় শ্রেণীতে বর্ণিত উত্তরাধিকারীগণ, তাঁহারা জীবিত না থাকিলে মূলধনীর সমবংশোদ্ভূত ব্যক্তিগণ সম-অধিকারের ভিত্তিতে এবং তাঁহারা জীবিত না থাকিলে জ্ঞাতিবর্গ সম-অধিকারের ভিত্তিতে সম্পত্তি লাভ করিবেন।

(খ) প্রথম শ্রেণির উত্তরাধিকারীগণের মধ্যে কেহ জীবিত না থাকিলে দ্বিতীয় শ্রেণীতে বর্ণিত উত্তরাধিকারীগণের মধ্যে

(১) প্রথম ধাপে তালিকাভুক্ত উত্তরাধিকারী দ্বিতীয় ধাপে তালিকাভুক্ত উত্তরাধিকারী হইতে অগ্রাধিকার পাইবেন;

(২) দ্বিতীয় ধাপে তালিকাভুক্ত উত্তরাধিকারী তৃতীয় ধাপে তালিকাভুক্ত উত্তরাধিকারী হইতে অগ্রাধিকার পাইবেন;

(৩) তৃতীয় ধাপে তালিকাভুক্ত উত্তরাধিকারী চতুর্থ ধাপে তালিকাভুক্ত উত্তরাধিকারী হইতে অগ্রাধিকার পাইবেন;

(৪) চতুর্থ ধাপে তালিকাভুক্ত উত্তরাধিকারী পঞ্চম ধাপে তালিকাভুক্ত উত্তরাধিকারী হইতে অগ্রাধিকার পাইবেন;

(৫) পঞ্চম ধাপে তালিকাভুক্ত উত্তরাধিকারী ষষ্ঠ ধাপে তালিকাভুক্ত উত্তরাধিকারী হইতে অগ্রাধিকার পাইবেন;

(৬) ষষ্ঠ ধাপে তালিকাভুক্ত উত্তরাধিকারী সপ্তম ধাপে তালিকাভুক্ত উত্তরাধিকারী হইতে অগ্রাধিকার পাইবেন;

(৭) সপ্তম ধাপে তালিকাভুক্ত উত্তরাধিকারী অষ্টম ধাপে তালিকাভুক্ত উত্তরাধিকারী হইতে অগ্রাধিকার পাইবেন; এবং

(৮) অষ্টম ধাপে তালিকাভুক্ত উত্তরাধিকারী নবম ধাপে তালিকাভুক্ত উত্তরাধিকারী হইতে অগ্রাধিকার পাইবেন।

১৭। প্রথম শ্রেণির উত্তরাধিকারীগণের মধ্যে সম্পত্তি বিলি-বন্টন। সম্পত্তির বিলি-বন্টন ব্যবস্থায়, লিখিত ও নিবন্ধিত দলিল ব্যতিরেকে, মৃত পুরুষ মূলধনীর স্থাবর/অস্থাবর সম্পত্তি তফসিলে বর্ণিত প্রথম শ্রেণির উত্তরাধিকারীগণ নিম্নবর্ণিতভাবে লাভ করিবেন -

(ক) বিধবা স্ত্রী, (একাধিক হইলে সকলে একত্রে), মোট সম্পত্তি যত ভাগে ভাগ হইবে তাহার এক ভাগ পাইবেন;

(খ) পুত্র (একাধিক হইলে প্রত্যেকে) এক ভাগ করিয়া পাইবেন; কন্যা (একাধিক হইলে প্রত্যেকে) পুত্রের অর্ধাংশ করিয়া পাইবেন। অর্থাৎ পুত্র কন্যার দ্বিগুণ পাইবেন। তবে পুত্র সন্তান না থাকিলে কন্যা (একাধিক হইলে প্রত্যেকে) এক ভাগ অর্থাৎ পুত্রের সমান পাইবেন;

গ) মাতা এক ভাগ পাইবেন;

(ঘ) প্রত্যেক পূর্বমৃত পুত্র এবং কন্যার শাখা উত্তরাধিকারীগণ (যদি থাকেন) ১৭ (ক) ও (খ) এ বর্ণিত হারের আলোকে সম্পত্তি পাইবেন।

শারীরিক অথবা মানসিকভাবে প্রতিবন্ধী কিংবা বিকলাঙ্গ কিংবা অপরিণত মনোবৃত্তিসম্পন্ন সন্তান পিতা-মাতার সম্পত্তির উত্তরাধিকার লাভের প্রশ্নে স্বাভাবিক অর্থে সন্তান বলিয়া গণ্য হইবেন এবং পিতা-মাতার সম্পত্তির উত্তরাধিকার লাভের যোগ্য হইবেন।

১৮। দ্বিতীয় শ্রেণির উত্তরাধিকারীগণের মধ্যে বিলি-বন্টন। সম্পত্তির বিলি-বন্টন ব্যবস্থার লিখিত ও নিবন্ধিত দলিল ব্যতিরেকে মৃত মূলধনীর ত্যাজ্যবিত্ত প্রথম শ্রেণির উত্তরাধিকারীগণের অবর্তমানে তফসিলে তালিকাভুক্তির ক্রমানুসারে দ্বিতীয় শ্রেণির উত্তরাধিকারীগণ পর্যায়ক্রমে অর্থাৎ প্রথম ভাগে তালিকাভুক্ত উত্তরাধিকারী লাভ করিবেন, তাঁহার অবর্তমানে দ্বিতীয় ভাগে তালিকাভুক্ত উত্তরাধিকারীগণ যুগপৎ সমান অংশে লাভ করিবেন, এইভাবে পর্যায়ক্রমে তৃতীয়, চতুর্থ, পঞ্চম, ষষ্ঠ, সপ্তম, অষ্টম এবং নবম ভাগে তালিকাভুক্ত উত্তরাধিকারীগণ লাভ করিবেন।

১৯। সমবংশোদ্ভূত অথবা জ্ঞাতিবর্গের মধ্যে সম্পত্তি বিলি-বন্টন। সম্পত্তির বিলি-বন্টন ব্যবস্থার লিখিত ও নিবন্ধিত দলিল ব্যতিরেকে মৃত মূলধনীর সম্পত্তির উত্তরাধিকারের পূর্ববর্ণিত অনুক্রমিক বিন্যাসের প্রথম ও দ্বিতীয় শ্রেণীভুক্ত উত্তরাধিকারীগণের অবর্তমানে উক্ত সম্পত্তি সমবংশোদ্ভূত অথবা জ্ঞাতিবর্গের মধ্যে সম-অধিকারের ভিত্তিতে বন্টিত হইবে। সমবংশোদ্ভূত অথবা জ্ঞাতিবর্গের মধ্যে উত্তরাধিকারের অনুক্রমিক পর্যায় বিন্যাস নিম্নবর্ণিতভাবে অগ্রাধিকার ভিত্তিতে নির্ধারিত হইবে

(ক) দুই জন উত্তরাধিকারীর মধ্যে যাঁহার কোনো মধ্যবর্তী উর্ধ্বদিক ধাপ নেই তিনি অগ্রাধিকার পাইবেন।

ব্যাখ্যা : উত্তরাধিকারের দুই জন দাবিদারের মধ্যে

(১) মূলধনীর পুত্রের কন্যার পুত্র, (২) মূলধনীর কন্যার কন্যার কন্যার পুত্র এই দুইয়ের ক্ষেত্রে যেহেতু (২) ইহার দাবিদারের মাতামহীর দিক হইতে উর্ধ্বদিক ধাপ (পিতা) আছে অথচ (১)-এর দাবিদার সরাসরি উর্ধ্বদিক ধাপের, সেহেতু (১) এর দাবিদার অগ্রাধিকার পাইবে;

(খ) যে ক্ষেত্রে দাবিদারের উর্ধ্বদিক ধাপের সংখ্যা সমান সেই ক্ষেত্রে যাঁহার কোনো উর্ধ্বদিক ধাপ নাই তিনি অগ্রাধিকার পাইবেন; এবং

(গ) যে ক্ষেত্রে কোনো উত্তরাধিকারীই অগ্রাধিকারের যোগ্য না হন সেই ক্ষেত্রে উভয়ে যুগপৎ সম অংশে উত্তরাধিকার লাভ করিবেন।

২০। সমবংশোদ্ভূতের বা জ্ঞাতির উত্তরাধিকারের সম্পর্কের স্তর গণনা। সমবংশোদ্ভূতের বা জ্ঞাতির উত্তরাধিকারের অনুক্রমিক পর্যায় নির্ধারণের লক্ষে সম্পর্কের স্তর মূলধনী হইতে উর্ধ্বদিক ধাপ বা অধোদিক ধাপ গণনা করা হইবে। তবে উর্ধ্বদিক ধাপ বা অধোদিক ধাপ গণনার ক্ষেত্রে মূলধনী উহাতে অন্তর্ভুক্ত হইবে।

২১। ভূ-সম্পদ বিক্রয় বা হস্তান্তর। সম্পত্তির অখণ্ডতা রক্ষার্থে এবং নিরূপদ্রব ভোগ-ব্যবহারের সুবিধার্থে উত্তরাধিকারীগণ তাহাদের নিজ নিজ প্রাপ্ত ভূ-সম্পদ বিক্রয় বা অন্যরূপে হস্তান্তর করিতে চাহিলে অন্যান্য উত্তরাধিকারীর (অগ্রাধিকার ক্রমানুসারে প্রথম শ্রেণির উত্তরাধিকারী, দ্বিতীয় শ্রেণির উত্তরাধিকারী, সমবংশোদ্ভূত ও জ্ঞাতিবর্গ) নিকটই তাহা করিতে হইবে। উক্ত উত্তরাধিকারীগণ ক্রয় করিতে লিখিতভাবে অপারগতা বা অনিচ্ছা প্রকাশ করিলে বসতভিটি ছাড়া অন্যান্য ভূ-সম্পদ অন্যদের কাছে বিক্রয় বা হস্তান্তর করা যাইবে। এইক্ষেত্রে সম্পত্তি হস্তান্তরে রাষ্ট্রীয় অধিগ্রহণ ও প্রজাস্বত্ব আইন (১৯৫০), অকৃষি প্রজাস্বত্ব আইনের (১৯৪৯) সংশ্লিষ্ট বিধানসহ অগ্রক্রয় বিধান কার্যকর হইবে।

২২। বসতভিটি সম্পর্কিত বিশেষ বিধান। সম্পত্তির অখণ্ডতা রক্ষার্থে এবং নিরূপদ্রব ভোগ-ব্যবহারের সুবিধার্থে উত্তরাধিকারীগণ তাহাদের নিজ নিজ প্রাপ্ত বসতভিটি ভূ-সম্পদ বিক্রয় বা অন্যরূপে হস্তান্তর করিতে

চাহিলে অন্যান্য উত্তরাধিকারীর (অগ্রাধিকার ক্রমানুসারে প্রথম শ্রেণির উত্তরাধিকার, দ্বিতীয় শ্রেণির উত্তরাধিকার, সমবংশোদ্ভূত ও জ্ঞাতিবর্গ) নিকটই তাহা করিতে হইবে। কোনো নারী উত্তরাধিকারী যদি অবিবাহিতা থাকেন বা স্বামী পরিত্যক্ত হন বা স্বামী হইতে আইনত বিচ্ছিন্ন হন কিংবা বিধবা হইয়া শ্বশুরবাড়ি হইতে বিতাড়িতা কিংবা নিগৃহীতা হন তাহা হইলে তাঁহার বা তাঁহাদের উক্ত বসতভিটিতে বসবাসের পূর্ণ অধিকার থাকিবে।

চতুর্থ অধ্যায় নারীর উত্তরাধিকার

২৩। নারীর সম্পত্তির অধিকার। বৌদ্ধ ধর্মে বিশ্বাসী এবং স্থিত যে কোনো নারীর স্থাবর ও অস্থাবর সম্পত্তির উপর, উহা যেভাবে অর্জিত হউক না কেন, তাঁহার পূর্ণ স্বত্ব ও অধিকার বলবৎ থাকিবে।

২৪। নারীর সম্পত্তির উত্তরাধিকার। (১) সম্পত্তির বিলি-বন্টন ব্যবস্থায়, লিখিত ও নিবন্ধিত দলিল ব্যতিরেকে, মৃত বৌদ্ধ মহিলা মূলধনীর ত্যাজ্য সম্পত্তি যত ভাগে ভাগ হইবে তাহার এক ভাগ স্বামী এবং বাকি অংশ ১৭ ধারায় নির্ধারিত হারে পুত্র, কন্যা, পূর্বমৃত পুত্রের পুত্র-কন্যা, পূর্বমৃত কন্যার পুত্র-কন্যা প্রাপ্য হইবেন।

(২) কোনো বৌদ্ধ মহিলা যদি তাঁহার পিতা বা মাতার নিকট হইতে উত্তরাধিকারসূত্রে কোনো সম্পত্তির মালিক হন, সম্পত্তি বিলি-বন্টন ব্যবস্থায়, লিখিত ও নিবন্ধিত দলিল ব্যতিরেকে, তাঁহার মৃত্যুর পর উক্ত সম্পত্তি তাঁহার পুত্র, কন্যা, পূর্বমৃত পুত্রের পুত্র, পূর্বমৃত পুত্রের কন্যা, পূর্বমৃত কন্যার পুত্র ও পূর্বমৃত কন্যার কন্যা জীবিত না থাকিলে, সরাসরি তাঁহার মাতা এবং পিতা, তাঁহাদের অবর্তমানে পিতার উত্তরাধিকারীগণ এবং তদ-অভাবে মাতার উত্তরাধিকারীগণ সম-অধিকারের ভিত্তিতে প্রাপ্ত হইবেন।

(৩) কোনো বৌদ্ধ মহিলা যদি তাঁহার স্বামী বা তাঁহার শ্বশুরের নিকট হইতে উত্তরাধিকারসূত্রে কোন সম্পত্তির মালিক হন, তাহা হইলে সম্পত্তি বিলিবন্টন ব্যবস্থায়, লিখিত ও নিবন্ধিত দলিল ব্যতিরেকে, তাঁহার মৃত্যুর পর উক্ত সম্পত্তি, তাঁহার পুত্র, কন্যা, পূর্বমৃত পুত্রের পুত্র, পূর্বমৃত পুত্রের কন্যা, পূর্বমৃত কন্যার পুত্র ও পূর্বমৃত কন্যার কন্যা জীবিত না থাকিলে, সরাসরি তাঁহার স্বামী বা শ্বশুরের উত্তরাধিকারীগণ সম-অধিকারের ভিত্তিতে প্রাপ্ত হইবেন।

(৪) কোনো বৌদ্ধ মহিলা যদি তাঁহার স্বেপার্জিত সম্পত্তির মালিক হন, তাহা হইলে সম্পত্তি বিলিবন্টন ব্যবস্থায়, লিখিত ও নিবন্ধিত দলিল ব্যতিরেকে, তাঁহার মৃত্যুর পর উক্ত সম্পত্তি, তাঁহার পুত্র, কন্যা, পূর্বমৃত পুত্রের পুত্র, পূর্বমৃত পুত্রের কন্যা, পূর্বমৃত কন্যার পুত্র ও পূর্বমৃত কন্যার কন্যা জীবিত না থাকিলে, তাঁহার স্বামী বা শ্বশুরের উত্তরাধিকারীগণ এবং পিতা-মাতার উত্তরাধিকারীগণ সম-অধিকারের ভিত্তিতে প্রাপ্ত হইবেন।

পঞ্চম অধ্যায় উত্তরাধিকারের অযোগ্যতা

২৫। উত্তরাধিকার লাভের অযোগ্যতা। (১) মূলধনীর সঙ্গে পূর্বমৃত পুত্রের বিধবারূপে, পূর্বমৃত পুত্রের পুত্রের বিধবারূপে, ভ্রাতার বিধবারূপে সম্পর্কের কারণে উত্তরাধিকারী হইলে, উত্তরাধিকার সংশ্লিষ্ট সম্পত্তির বন্টন শুরুর দিনে যদি উক্ত যে কোনো বিধবা পুনঃবিবাহবন্ধনজনিত বৈধব্যমুক্ত হন তাহা হইলে তিনি মূলধনীর সম্পত্তির উত্তরাধিকার লাভের অযোগ্য গণ্য হইবেন।

(২) যদি কোনো উত্তরাধিকারী মূলধনীকে হত্যা করে অথবা হত্যার কাজে সহযোগিতা করে অথবা হত্যার প্ররোচনা দেয়, অথবা তাহার দেওয়া শারীরিক আঘাতজনিত কারণে মূলধনীর মৃত্যু ঘটে তাহা হইলে সে মূলধনীর সম্পত্তির উত্তরাধিকারিত্ব লাভের অযোগ্য গণ্য হইবে এবং অনুরূপ কারণে তাহার মাধ্যমে যাহারা পরবর্তীতে উত্তরাধিকারের ধারাবাহিকতায় উত্তরাধিকারিত্ব লাভ করিতে পারিত তাহারাও মূলধনীর সম্পত্তির উত্তরাধিকারের অযোগ্য গণ্য হইবে।

(৩) মূলধনীর জীবদ্দশায় কিংবা তাহার মৃত্যুমুহুর্তে, কিংবা মৃত্যুর পর মূলধনীর সম্পত্তির বিলি-বন্টন ব্যবস্থার লিখিত ও নিবন্ধিত দলিল ব্যতিরেকে, সম্পত্তির উত্তরাধিকার দাবিদার যে কেহ বৌদ্ধ ধর্ম পরিত্যাগ করিয়া অন্য ধর্ম গ্রহণ করিলে বা অন্য ধর্মাবলম্বীর সহিত বিবাহ-বন্ধনজনিত কারণে নিজ ধর্ম ত্যাগ করিলে তিনি বৌদ্ধ মূলধনীর সম্পত্তির উত্তরাধিকারিত্ব লাভের অযোগ্য গণ্য হইবেন এবং তাহার ফলে সেই উত্তরাধিকার লাভের অযোগ্য অধস্তন কিংবা উর্ধ্বতন ব্যক্তির (মহিলা পুরুষ উভয়ই) উক্তরূপ বৌদ্ধধর্ম পরিত্যাগের পরে তাহার ঔরসজাত কিংবা গর্ভজাত সন্তান, স্ত্রী কিংবা বিধবা উক্ত মূল বৌদ্ধ মূলধনীর সম্পত্তির উত্তরাধিকারিত্ব লাভের অযোগ্য গণ্য হইবেন। সম্পত্তির উত্তরাধিকারিত্ব লাভের পর কেহ বৌদ্ধধর্ম পরিত্যাগ করিলে তাহার উত্তরাধিকারিত্ব লাভের অযোগ্যতার কারণে সম্পত্তির সম্পূর্ণ অংশ অন্যান্য উত্তরাধিকারীদের মধ্যে নির্ধারিত হারে পুনর্বণ্টিত হইবে।

ষষ্ঠ অধ্যায়

দানপত্র

২৬। দান। (১) বৌদ্ধ ধর্মে বিশ্বাসী কোনো ব্যক্তি তাহার উত্তরাধিকারসূত্রে এককভাবে প্রাপ্ত সম্পত্তি কিংবা তাহার স্বোপার্জিত সম্পত্তি অপর কোনো বৌদ্ধ ব্যক্তিকে অথবা প্রতিষ্ঠানে অথবা কোনো জনসেবামূলক প্রতিষ্ঠান, বৌদ্ধ ধর্মীয় প্রতিষ্ঠান অথবা কোনো শিক্ষা-সংস্কৃতিমূলক প্রতিষ্ঠানে দান করিতে পারিবেন;

তবে শর্ত থাকে যে, অনুরূপ দান-ক্রিয়া, উক্ত ব্যক্তি মানবিক দৃষ্টিকোণ হইতে এবং আইনগত দিক হইতে ভরণ-পোষণ দিতে বাধ্য এমন বৈধ উত্তরাধিকারীদের বঞ্চিত করিয়া সম্পাদন করিতে পারিবেন না। এক্ষেত্রে দানকৃত সম্পত্তি মোট সম্পত্তির ২৫% এর বেশি হইতে পারিবে না।

(২) দানকার্য সম্পত্তি হস্তান্তর আইন ১৮৮২ এর ১২৩ ধারার বিধান মোতাবেক সম্পাদন করিতে হইবে।

(৩) দানকৃত সম্পত্তির দখলদাতার জীবদ্দশায় গ্রহীতার বরাবরে সরেজমিন কিংবা প্রতীকী দখল প্রদান করিতে হইবে।

(৪) দানপত্র দলিল সম্পাদনের তারিখে জাগতিকভাবে অস্তিত্ববিহীন অর্থাৎ অজাত কোনো ব্যক্তির বা প্রতিষ্ঠানের বরাবরে সম্পাদন করা যাইবে না।

সপ্তম অধ্যায়

দত্তক গ্রহণ

২৭। দত্তক গ্রহণ। (১) বৌদ্ধ ধর্ম বিশ্বাসী যে কোন প্রাপ্ত বয়স্ক, শারীরিক ও মানসিকভাবে সুস্থ ও সমর্থ, বিবাহিত বা অবিবাহিত যে কোন পুরুষ বা মহিলা, বিপত্নীক বা বিধবা কোন বৌদ্ধ সন্তানকে দত্তক গ্রহণ করিতে পারিবেন।

(২) উপধারা (১) এর বিধান সত্ত্বেও দত্তকগ্রহীতা পুরুষ ও মহিলা যদি বিবাহবন্ধনে আবদ্ধ স্বামী-স্ত্রী হন, তাহা হইলে তাহারা পরস্পরের নিঃশর্ত সম্মতি ব্যতিরেকে দত্তক গ্রহণ করিতে পারিবেন না।

(৩) দত্তককৃত সন্তান অপ্রাপ্তবয়স্ক হইলে তাহার স্বাভাবিক পিতা-মাতার স্বেচ্ছাসম্মতি ব্যতিরেকে কোন দত্তক গ্রহণ করা যাইবে না।

(৪) দত্তক-সন্তান প্রাপ্তবয়স্ক হইলে তাহার সজ্ঞান সম্মতি ব্যতিরেকে দত্তক প্রদান ও গ্রহণ করা যাইবে না।

২৮। দত্তক গ্রহণে সক্রিয় মানসক্রিয়া। দত্তক গ্রহণের ক্ষেত্রে নিম্নলিখিত মানস-ক্রিয়া থাকিতে হইবে, যথা:

(ক) উত্তরাধিকার সৃষ্টির লক্ষ্যে,

(খ) স্বাভাবিক পিতা-মাতা কর্তৃক পরিত্যক্ত সন্তানের প্রতি মানবিক মমত্ববশত এবং

(গ) হতদরিদ্র নিরন্ন সন্তানের প্রতি মানবিক অনুকম্পাবশতঃ।

২৯। দত্তকদত্ত সন্তান ফেরৎ আনয়ন। দত্তকদত্ত সন্তান প্রাপ্তবয়স্ক হওয়ার পূর্বে দত্তক প্রদানকারী স্বাভাবিক পিতামাতা যে কোনো সময় দত্তক গ্রহণকারী পিতামাতাকে দত্তকদত্ত সন্তানের প্রতিপালনে ব্যয়িত অর্থাৎ পরিশোধ করিয়া এবং দত্তক সন্তানকে প্রদত্ত সম্পত্তি (যদি প্রদান করা হইয়া থাকে) ফিরাইয়া দিয়া দত্তক সন্তানকে ফেরৎ নিতে পারিবে।

৩০। দত্তক গ্রহণে আনুষ্ঠানিকতা। দত্তক গ্রহণের পর দত্তকগ্রহীতা

(ক) দত্তক গ্রহণের তারিখ হইতে যথাশীঘ্র সম্ভব সামাজিক কিংবা ধর্মীয় অনুষ্ঠানের মাধ্যমে দত্তক সন্তানের উপস্থিতিতে দত্তক গ্রহণের বিষয় এবং উদ্দেশ্য ঘোষণা করিবেন;

(খ) বৌদ্ধ বিহারের দায়ক-দায়িকাদের নিকট এবং তাঁহাদের আত্মীয় পরিজনের নিকট তাহা প্রকাশ্যে প্রচার করিবে ;

তবে শর্ত থাকে যে, দত্তকগ্রহীতা কর্তৃক যদি উপরোক্ত (ক) ও (খ) উপধারার বিধান প্রতিপালন করা সম্ভব না হয় এবং দত্তকগ্রহীত সন্তান তাঁহাদের নিকট নিরবচ্ছিন্নভাবে কমপক্ষে বার বছর সন্তানরূপে পালিত হয় তাহা হইলে দত্তক গ্রহীত সন্তান তর্কাতীতভাবে তাহার ন্যায্য অধিকার প্রাপ্য হইবে।

৩১। দত্তকগ্রহীত সন্তানের উত্তরাধিকার। (১) দত্তকগ্রহীতা যদি নিসন্তান হন এবং উত্তরাধিকার সৃষ্টির লক্ষ্যে দত্তক গ্রহণ করিয়া থাকেন তাহা হইলে দত্তক গ্রহীত সন্তান দত্তক গ্রহীতার স্বাভাবিক সন্তানের ন্যায্য উত্তরাধিকারিত্ব লাভ করিবে।

(২) তিনি যদি মানবিক মমত্ব বশতঃ বা হতদরিদ্র নিরন্ন সন্তানের প্রতি মানবিক অনুকম্পাবশত বা অন্য কোনো কারণে দত্তক গ্রহণ করিয়া থাকেন, তাহা হইলে উক্ত দত্তকগ্রহীত সন্তান দত্তকগ্রহীতার ত্যাজ্যবিশেষে তিনি ঔরসজাত সন্তান হইলে উত্তরাধিকারসূত্রে যাহা পাইতেন তাহার অর্ধাংশের উত্তরাধিকারী হইবেন এবং অবশিষ্ট অর্ধাংশ উত্তরাধিকার আইনের বিধান অনুসারে অনুক্রমিক পর্যায়ক্রমে উত্তরাধিকারিগণ লাভ করিবেন।

যদি কোনো বিধবা কিংবা কুমারী কন্যা কোনো সন্তানকে সর্বসাধারণের জ্ঞাতসারে দত্তক রূপে গ্রহণ করে এবং তৎপর কোনো পুরুষের সংগে বিবাহবন্ধনে আবদ্ধ হয় সেই ক্ষেত্রে উক্ত পুরুষ তাঁহার স্ত্রীর বিবাহবন্ধনের পূর্বে দত্তকরূপে গ্রহীত সন্তানের বি-পিতারূপে গণ্য হইবেন এবং উক্ত দত্তকরূপে গ্রহীত সন্তান কেবলমাত্র তাহার প্রতিপালিকা মাতার সম্পত্তির উত্তরাধিকার পাইবে ও বি-পিতার সম্পত্তির কোনরূপ উত্তরাধিকারিত্ব লাভের যোগ্য বিবেচিত হইবে না।

অষ্টম অধ্যায় ভরণ-পোষণ

৩২। ভরণ-পোষণ। কোনো বৌদ্ধ স্ত্রী আমৃত্যু স্বামীর নিকট হইতে পূর্ণ ভরণ-পোষণ পাইবার অধিকারী হইবেন। তবে তিনি যদি

- (ক) বৌদ্ধ ধর্ম পরিত্যাগ করিয়া অন্য ধর্ম গ্রহণ করেন; বা
- (খ) দুশ্চরিত্র, অসতী বা ব্যভিচারিণী হন; বা
- (গ) কুল ত্যাগিনী হন

তাহা হইলে স্বামীর নিকট হইতে ভরণ-পোষণ পাইবার অধিকারী হইবেন না।

৩৩। স্ত্রীর স্বতন্ত্রভাবে বসবাস ও ভরণ-পোষণ। নিম্নলিখিত ক্ষেত্রে স্ত্রী স্বতন্ত্রভাবে বসবাসের এবং স্বামী কর্তৃক পূর্ণ ভরণ-পোষণের অধিকারী হইবেন, যথা:

- (ক) যদি স্বামী কোনো অনিবার্য ও যৌক্তিক কারণ ছাড়া স্ত্রীর সম্মতি ব্যতিরেকে অথবা স্ত্রীর ইচ্ছার বিরুদ্ধে স্বস্থান ত্যাগ করিবার দোষে দুষ্ট হন অথবা ইচ্ছাকৃতভাবে স্ত্রীকে উপেক্ষা করিয়া অথবা স্ত্রীকে পরিত্যক্ত অবস্থায় রাখিয়া ভিন্ন স্থানে বসবাস করেন;
- (খ) স্বামীর নির্ধূর আচরণে যদি স্ত্রীর মনে এমন ভীতির সঞ্চার হইবার সংগত কারণের উদ্ভব হয় যে স্বামীর সংগে একত্রে বসবাস করা তাঁহার জীবনের জন্য ভীষণ ক্ষতিকর কিংবা মারাত্মক ঝুঁকিপূর্ণ হইবে;
- (গ) যদি স্বামীর আরও এক বা একাধিক স্ত্রী বর্তমান থাকা প্রকাশ পায় বা স্বামী যদি স্ত্রীর অনুমতি ব্যতিরেকে অন্য মহিলাকে বিবাহ করেন,

(ঘ) স্বামী যদি স্ত্রীর সহিত বসবাসরত গৃহে রক্ষিতা লইয়া আসেন অথবা যদি অভ্যাসগতভাবে রক্ষিতার বাসস্থানে কালাতিপাত করেন;

(ঙ) উপরিউক্ত কারণাদির যে কোনো একটি ছাড়াও স্ত্রীর পক্ষে যদি যুক্তিসংগত অন্য কোনো অনিবার্য কারণ থাকে।

তবে স্ত্রী যদি দুশ্চরিত্রা হন বা স্বামীর এবং তাঁহার বংশের মান-মর্যাদা হানিকর কাজ করেন অথবা কুলত্যাগিনী হন অথবা বৌদ্ধধর্ম পরিত্যাগ করিয়া ভিন্ন ধর্ম গ্রহণ করেন, তাহা হইলে সেই স্ত্রী স্বামী কর্তৃক ভরণ-পোষণের অধিকারী হইবেন না।

৩৪। বৌদ্ধ বিধবার ভরণ-পোষণ। কোনো বৌদ্ধ বিধবা তাহার মৃত স্বামীর পিতা মাতার নিকট হইতে ভরণ-পোষণ পাইবার অধিকারী হইবেন, যদি

(ক) তিনি তাঁহার স্বোপার্জিত অর্থে অথবা তাহার অন্য কোনো সম্পত্তির আয় হইতে প্রাপ্ত অর্থে জীবন যাপনে অক্ষম হন; অথবা

(খ) তাঁহার মৃত স্বামীর ভূ-সম্পত্তি হইতে ভরণ-পোষণ লাভে সমর্থ না হন; অথবা

(গ) নিজ পিতা-মাতার ভূসম্পত্তি হইতে ভরণ-পোষণ লাভে সমর্থ না হন; অথবা

(ঘ) সন্তানের উপার্জিত অর্থ হইতে ভরণ-পোষণ করা সম্ভব না হয়; অথবা

(ঙ) তিনি পুনরায় বিবাহবন্ধনে আবদ্ধ না হন ;

তবে শর্ত থাকে যে, বিধবার মৃত স্বামীর পিতামাতার যদি তাঁহাকে ভরণপোষণের জন্য প্রয়োজনীয় সামর্থ্য না থাকে সেইক্ষেত্রে মৃত স্বামীর পিতামাতা উক্তরূপ ভরণ-পোষণ বহনে বাধ্য থাকিবেন না ;

আরো শর্ত থাকে যে, বিধবা যদি পুনরায় বিবাহবন্ধনে আবদ্ধ হন তাহা হইলে তিনি তাঁহার মৃত স্বামীর পিতামাতা বা ঔরসজাত সন্তানের নিকট হইতেও ভরণ-পোষণ লাভের উপযুক্ত গণ্য হইবেন না।

৩৫। পিতামাতার ভরণ-পোষণ। একজন বৌদ্ধ তাহার বৃদ্ধ, অক্ষম ও আয়ের উৎসহীন পিতামাতাকে আমৃত্যু ভরণ-পোষণ প্রদান করিবেন।

৩৬। সন্তানের ভরণ-পোষণ। (১) কোন বৌদ্ধ পিতামাতা তাঁহার বৈধ বা অবৈধ এবং অপ্ৰাপ্তবয়স্ক সন্তানের ভরণ-পোষণ করিবেন।

(২) উপ-ধারা (১) এর বিধানসত্ত্বেও কোনো কন্যাসন্তান বিবাহিত না হওয়া পর্যন্ত এবং কোনো সন্তান উপার্জনসক্ষম/সাবালক না হওয়া পর্যন্ত পিতামাতার নিকট হইতে ভরণ-পোষণ পাইবার অধিকারী হইবেন।

৩৭। নির্ভরশীলের ভরণ-পোষণ। (১) মূলধনীর ত্যাজ্যবিত্তের উত্তরাধিকারসূত্রে প্রাপ্ত সম্পত্তির উপ-স্বত্ব হইতে তাঁহার উপর নির্ভরশীল ব্যক্তিগণ ভরণ-পোষণ পাইবার অধিকারী হইবেন, যদি কোনো নির্ভরশীল মূলধনীর ত্যাজ্যবিত্তের কোনো অংশ লাভ না করেন;

(২) নির্ভরশীলগণ মূলধনীর ত্যাজ্যবিত্তের উত্তরাধিকারীদের প্রত্যেকের প্রাপ্ত অংশের আনুপাতিক হারে ভরণ-পোষণ প্রাপ্য হইবেন।

৩৮। ভরণ-পোষণ নির্ধারণ। (১) এই আইনের অধীনে দেয় ভরণ-পোষণের বিষয়ে কোনো প্রশ্ন উত্থাপিত হইলে আদালত উহা নির্ধারণ করিতে পারিবেন।

(২) বিধবা, সন্তান এবং বৃদ্ধ কিংবা অক্ষম পিতামাতাকে দেয় ভরণ-পোষণের পরিমাণ নির্ধারণের ক্ষেত্রে আদালত নিম্নবর্ণিত বিষয়গুলি বিবেচনায় আনিবেন

(ক) প্রার্থীর অবস্থান ও সামাজিক পদমর্যাদা;

(খ) প্রার্থীর দাবীর যৌক্তিকতা;

(গ) প্রার্থী পৃথকভাবে বসবাস করিলে উহা করার যৌক্তিকতা;

(ঘ) প্রার্থীর নিজস্ব সম্পদ ও তদুল্লভ আয়;

(ঙ) প্রার্থী একাধিক হইলে, তাহাদের সংখ্যা এবং যোগ্যতার আনুপাতিক হার।

(৩) উপধারা (২)-এ বর্ণিত নির্ভরশীল ব্যতীত অন্যান্য নির্ভরশীলের ভরণ-পোষণের পরিমাণ নির্ধারণের ক্ষেত্রে আদালত ধারা ৩৩ এর বিষয়গুলি বিবেচনায় আনিবেন।

৩৯। বৌদ্ধ ব্যতীত অন্য কাহারো ভরণ-পোষণ। এ আইনে যাহা কিছুই থাকুক না কেন, আচার-আচরণ-অনুষ্ঠান ইত্যাদি অনুশীলন দ্বারা দৃশ্যত বৌদ্ধধর্ম পালন করেন না এমন কোনো ব্যক্তি বৌদ্ধ মূলধনীর নিকট হইতে অথবা তাহার অবর্তমানে তাঁহার ত্যাজ্যবিত্ত হইতে কোরনারূপ ভরণ-পোষণের অধিকারী হইবেন না।

৪০। ভরণ-পোষণযোগ্য দাবিদার। ভরণ-পোষণের যোগ্য দাবিদার 'নির্ভরশীল' যে সম্পদ হইতে ভরণ-পোষণের অধিকার রাখেন সেই সম্পদ অথবা উহার অংশবিশেষ যদি হস্তান্তরিত হয় এবং অনুরূপ হস্তান্তরগ্রহীতা যদি উক্ত সম্পদ হইতে 'নির্ভরশীলের' ভরণ-পোষণের অধিকার সম্পর্কে জ্ঞাত থাকেন কিংবা জ্ঞাত থাকিবার সংগত কারণ থাকে অথবা অনুরূপ হস্তান্তরে যদি পণশূন্য হয় তাহা হইলে নির্ভরশীলের ভরণ-পোষণের অধিকার উক্ত হস্তান্তরগ্রহীতার উপরও প্রযোজ্য হইবে করা যাইবে; কিন্তু উক্তরূপ হস্তান্তর যদি উপযুক্ত পণের বিনিময়ে হয় এবং হস্তান্তর গ্রহীতা যদি 'নির্ভরশীলের' উক্তরূপ ভরণ-পোষণের অধিকার সম্পর্কে জ্ঞাত না থাকেন কিংবা জ্ঞাত থাকিবার কোনো সংগত কারণ না থাকে তাহা হইলে উক্তরূপ হস্তান্তরগ্রহীতার উপর কোনো 'নির্ভরশীল' কোন ভরণ-পোষণের 'উপযুক্ত' অধিকার পাইবেন না।

৭৩

৬

নবম অধ্যায়

অপ্রাপ্তবয়স্কতা ও অভিভাবকত্ব

৪১। অভিভাবক। (১) অপ্রাপ্তবয়স্ক বৌদ্ধ সন্তানের অভিভাবক হইবে,

(ক) পুত্রের বা অবিবাহিতা কন্যার ক্ষেত্রে পিতা, পিতার অবর্তমানে মাতা। তবে অপ্রাপ্তবয়স্ক সন্তানের বয়স সাত বছর পূর্ণ না হইলে সেইক্ষেত্রে উক্ত সন্তানের অভিভাবকত্ব মাতার উপর বর্তাইবে। পিতা ও মাতার অবর্তমানে কোন নাবালকের অভিভাবকত্ব আদালত কর্তৃক নির্ধারিত হইবে।

(খ) বিবাহ বহির্ভূত জাত পুত্র ও কন্যার ক্ষেত্রে মাতা, মাতার অবর্তমানে পিতা;

(গ) বিবাহিতা কন্যার ক্ষেত্রে তাহার স্বামী।

(২) কোনো ব্যক্তি

(ক) বৌদ্ধ ধর্মের অনুসারী না হইলে; বা

(খ) বৌদ্ধ ধর্ম ত্যাগ করিলে; বা

(ঘ) সংসারধর্ম ত্যাগ করিলে

অপ্রাপ্তবয়স্ক কোনো বৌদ্ধ সন্তানের অভিভাবক হইবার যোগ্য হইবেন না।

৪২। দত্তক সন্তানের অভিভাবক। কোনো অপ্রাপ্তবয়স্ক বৌদ্ধ দত্তক সন্তানের অভিভাবক হইবেন দত্তকগ্রহীতা পিতা, পিতার অবর্তমানে দত্তকগ্রহীতা মাতা।

৪৩। অপ্রাপ্তবয়স্ক সন্তানের স্বাভাবিক অভিভাবকের দায়িত্ব। (১) অপ্রাপ্তবয়স্ক কোনো বৌদ্ধ সন্তানের স্বাভাবিক অভিভাবক ঐ সন্তানের অপরিহার্য প্রয়োজনে কিংবা অন্যবিধ উপকারার্থে ভূ-সম্পত্তির উদ্ধার, রক্ষণ অথবা অন্যবিধ কল্যাণার্থে সর্বপ্রকার কর্ম সম্পাদন করিতে পারিবেন, তবে,

(ক) উক্ত অভিভাবকের ব্যক্তিগত কোনো দলিল কিংবা চুক্তিপত্র দ্বারা উক্ত সন্তানকে কিংবা তাহার স্থাবর অস্থাবর সম্পত্তিকে দায়বদ্ধ করিতে পারিবেন না;

(খ) উপযুক্ত আদালতের পূর্বানুমতি গ্রহণ ব্যতিরেকে উক্ত অভিভাবক তাহার রক্ষণাধীন অপ্রাপ্তবয়স্ক সন্তানের স্থাবর সম্পত্তি কিংবা উহার অংশবিশেষ বন্ধক দিতে অথবা গচ্ছিত রাখিতে অথবা দান, বিক্রয়, বিনিময় অথবা অন্য কোনো দলিল সম্পাদন দ্বারা হস্তান্তর করিতে পারিবেন না।

(২) কোনো অপ্রাপ্তবয়স্ক বৌদ্ধ সন্তানের স্বাভাবিক অভিভাবক তাহার রক্ষণাধীন অপ্রাপ্তবয়স্ক সন্তানের অস্থাবর সম্পত্তি সম্পূর্ণ বা অংশবিশেষ কোনো প্রকারে দায়বদ্ধ কিংবা হস্তান্তর করিলে উক্ত অপ্রাপ্তবয়স্ক সন্তান প্রাপ্তবয়স্ক হইবার পর হইতে ৩ বছরের মধ্যে অথবা তাহার সূত্রে প্রাপ্ত অপর কোনো ব্যক্তি উপযুক্ত আদালতে তাহার অনুরূপ সম্পত্তি সম্পর্কে উপরোক্তরূপ দায়বদ্ধকরণ কিংবা হস্তান্তরকরণের বিরুদ্ধে আপত্তি উত্থাপন করিলে আদালত তাহা যথাযোগ্য বিবেচনান্তে উক্তরূপ দায়বদ্ধকরণ কিংবা হস্তান্তরকরণ ক্রিয়া বাতিল ঘোষণা করিতে পারিবেন।

(৩) অপ্রাপ্তবয়স্ক সন্তানের অপরিহার্য প্রয়োজন মিটাইবার জন্য কিংবা প্রত্যক্ষ উপকারের জন্য ভিন্ন অন্য কোনো প্রকার কারণে আদালত অভিভাবককে উক্ত অপ্রাপ্তবয়স্ক সন্তানের স্থাবর সম্পত্তি সম্পর্কে কোনো কর্ম সম্পাদন বা হস্তান্তরের অনমতি প্রদান করিবেন না।

(৪) উপধারা (১) এর (খ) দফার আলোকে অভিভাবক কর্তৃক আদালতের অনুমতি প্রাপ্তির আবেদন এবং তদসংক্রান্ত সর্ববিষয় “Guardian and Wards Act, 1890 (Act No. viii of 1890)” এর বিধানাবলি এমনভাবে কার্যকর হইবে যেন উক্ত আবেদন উক্ত Act এর ২৯ ধারা অনুসারে দায়ের করা হইয়াছে, এবং বিশেষ করিয়া,

(ক) অনুরূপ আবেদনের পরিপ্রেক্ষিতে গৃহীত কার্যক্রম উক্ত Act এর ৪ (ক) ধারা অনুসারে গৃহীত কার্যক্রম বলিয়া বিবেচিত হইবে;

(খ) আদালত উক্ত Act এর ৩১ ধারার (২), (৩) এবং (৪) উপ-ধারার বিধানসমূহ অনুসরণ করিবেন, যাহা করিবার ক্ষমতা আদালত সংরক্ষণ করেন;

(গ) উপরিউক্ত (১) উপ-ধারার বিধান অনুসারে অভিভাবক কর্তৃক দায়েরকৃত অনুমতি প্রার্থনার আবেদন আদালত অগ্রাহ্য করিলে, সংক্ষুদ্ধ অভিভাবক উচ্চতর আদালতে আপিল দায়ের করিতে পারিবেন।

৪৪। কোর্ট ফি। পারিবারিক আদালতে উপস্থাপিত যে কোনো মামলার আরজির জন্য নির্ধারিত হারে কোর্ট ফি প্রদান করিতে হইবে।

৪৫। বিচারাধীন মামলার ক্ষেত্রে বিধান। এই আইনে যাহা কিছুই উল্লেখ থাকুক না কেন, এই আইনে উল্লেখিত বিষয়সমূহের বা বিষয়সমূহ হইতে উদ্ধৃত সকল মামলা, আপিল এবং অন্যান্য বৈধ কার্যধারা এই আইন শুরু হইবার অব্যবহিত পূর্বে যে আদালতে বিচারাধীন ছিল তাহা সেই আদালতে থাকিবে এবং সেই আদালতে তাহা এমনভাবে শুনানি ও নিষ্পত্তি হইবে যেন এই আইন প্রণীত হয় নাই।

৪৬। বিধি প্রণয়নের ক্ষমতা। এই আইনের উদ্দেশ্য পূরণকল্পে সরকার সরকারি গেজেটে বিজ্ঞপ্তি দ্বারা বিধি প্রণয়ন করিতে পারিবে।

দশম অধ্যায়
তফসিলসমূহ
তফসিল ১

প্রথম শ্রেণির উত্তরাধিকারীগণ :

পুত্র ও কন্যা, বিধবা, স্বামী, মাতা, পূর্বমৃত পুত্রের পুত্র, পূর্বমৃত পুত্রের কন্যা, পূর্বমৃত কন্যার পুত্র, পূর্বমৃত কন্যার কন্যা, পূর্বমৃত পুত্রের বিধবা, পূর্বমৃত পুত্রের পূর্বমৃত পুত্রের পুত্র, পূর্বমৃত পুত্রের পূর্বমৃত পুত্রের কন্যা, পূর্বমৃত পুত্রের পূর্বমৃত পুত্রের বিধবা।

উত্তরাধিকারের অনুক্রমিক বিন্যাস :

তফসিলভুক্ত প্রথম শ্রেণি

সম্পত্তির বিলি-বণ্টন ব্যবস্থার লিখিত ও নিবন্ধিত দলিল ব্যতিরেকে মৃত মূলধনীর ত্যাজ্যবিভেদে উত্তরাধিকারীগণ :

সন্তান

বিধবা

স্বামী

মাতা

পূর্বমৃত পুত্রের পুত্র

পূর্বমৃত পুত্রের কন্যা

পূর্বমৃত কন্যার পুত্র

পূর্বমৃত কন্যার কন্যা

পূর্বমৃত পুত্রের বিধবা

পূর্বমৃত পুত্রের পূর্বমৃত পুত্রের পুত্র

পূর্বমৃত পুত্রের পূর্বমৃত পুত্রের কন্যা

পূর্বমৃত পুত্রের পূর্বমৃত পুত্রের বিধবা

ইহারা সকলে তফসিলভুক্ত প্রথম শ্রেণির উত্তরাধিকারীরূপে (১৭ ধারার বিধানমতে) অপরাপর সকল উত্তরাধিকারীর চাইতে অগ্রাধিকারভিত্তিতে যুগপৎ উত্তরাধিকারিত্ব লাভ করিবেন।

দ্বিতীয় শ্রেণির উত্তরাধিকারীগণ :

(১) পিতা;

(২) (ক) পুত্রের কন্যার পুত্র, (খ) পুত্রের কন্যার কন্যা, (গ) ভ্রাতা, (ঘ) ভগ্নী

(৩) (ক) কন্যার পুত্রের পুত্র, (খ) কন্যার পুত্রের কন্যা, (গ) কন্যার কন্যার পুত্র, (ঘ) কন্যার কন্যার কন্যা

(৪) (ক) ভ্রাতার পুত্র, (খ) ভগ্নীর পুত্র, (গ) ভ্রাতার কন্যা, (ঘ) ভগ্নীর কন্যা

(৫) পিতার পিতা, পিতার মাতা

(৬) ভ্রাতার বিধবা

(৭) পিতার ভ্রাতা, পিতার ভগ্নী

(৮) মাতার পিতা, মাতার মাতা

(৯) মাতার ভ্রাতা, মাতার ভগ্নী

ব্যাখ্যা : তফসিল বর্ণিত ভ্রাতা ও ভগ্নী বলিতে বৈপিত্রের রক্ত সম্পর্কের ভ্রাতা ভগ্নী বুঝাইবে না।

১০

মনোগ্রাম

৩

তফসিল ২
ছক (১)
বৌদ্ধ বিবাহ নিবন্ধনপত্র

নিবন্ধন সংখ্যা

তারিখ:

বরের পাসপোর্ট
আকারের ছবি

কনের পাসপোর্ট
আকারের ছবি

১। বিবাহবন্ধন অনুষ্ঠান সম্পন্ন করার স্থান (নাম সহ)

ঠিকানা :

গ্রাম/এলাকা

জেলা

থানা/উপজেলা

দেশ

২। বিবাহবন্ধন অনুষ্ঠানের তারিখ :

৩। (ক) বরের পূর্ণ নাম (ডাক নাম সহ) বাংলায় :

ইংরেজিতে :

পরিচয়পত্র নং :

জন্মনিবন্ধন নং (যদি থাকে):

বয়স (জন্মতারিখ)

শিক্ষাগত যোগ্যতা

ঠিকানা :

গ্রাম/এলাকা

উপজেলা/পৌরসভা/সিটি কর্পোরেশন

(খ) বরের পিতার নাম

বরের মাতার নাম

জাতীয়তা

পেশা

ডাকঘর

জেলা

দেশ

৪। (ক) কনের পূর্ণ নাম (ডাক নাম সহ) বাংলায় :

ইংরেজিতে :

জাতীয় পরিচয় পত্র নং :

জন্মনিবন্ধন নং (যদি থাকে):

বয়স (জন্মতারিখ)

শিক্ষাগত যোগ্যতা

ঠিকানা :

গ্রাম/এলাকা

উপজেলা/পৌরসভা/সিটি কর্পোরেশন

(খ) কনের পিতার নাম

কনের মাতার নাম

জাতীয়তা

পেশা

ডাকঘর

জেলা

দেশ

৫। বরের পিতৃকূলের বিহারের নাম

	ঠিকানা :		
	গ্রাম/এলাকা	ডাকঘর	
	উপজেলা	জেলা	দেশ
৬।	কনের পিতৃকুলের বিহারের নাম		
	ঠিকানা :		
	গ্রাম/এলাকা	ডাকঘর	
	উপজেলা	জেলা	দেশ
৭।	বিবাহবন্ধনে বর-কনের প্রতি 'মঙ্গলসূত্র' দেশক ভিক্ষুর নাম		
	বিহারের নাম		
	ঠিকানা :		
	গ্রাম/এলাকা	ডাকঘর	
	উপজেলা	জেলা	দেশ
৮।	বিবাহবন্ধন-মন্ত্রদাতা গৃহীর নাম		
	ঠিকানা :		
	গ্রাম/এলাকা	ডাকঘর	
	উপজেলা	জেলা	দেশ

বরের স্বাক্ষর ও তারিখ বরের পিতার/মাতার স্বাক্ষর
(অবর্তমানে অভিভাবক এর স্বাক্ষর) মঙ্গলসূত্র দেশক ভিক্ষুর স্বাক্ষর

বর পক্ষের গণ্যমান্য ব্যক্তির স্বাক্ষর

১।

২।

কনের স্বাক্ষর ও তারিখ কনের পিতার/মাতার স্বাক্ষর
(অবর্তমানে অভিভাবক এর স্বাক্ষর) বিবাহবন্ধন মন্ত্র দাতা গৃহীর স্বাক্ষর

কনে পক্ষের গণ্যমান্য ব্যক্তির স্বাক্ষর

১।

২।

সভাপতি/সাধারণ সম্পাদক বিহারাধ্যক্ষ
বিহার পরিচালনা কমিটি বিহার
সিল সিল

* দ্রষ্টব্য : প্রতিটি বিবাহ নিবন্ধনপত্র পাঁচ কপি সম্বলিত বিধায় তাহাদের একই নিবন্ধন নম্বর থাকিবে।

ছক (২)

বৌদ্ধ বিবাহবন্ধন নিবন্ধন পুস্তক

নিবন্ধনকারী বিহারের নাম

ঠিকানা :

গ্রাম/এলাকা

ডাকঘর

থানা

জেলা

দেশ

বিহারাধ্যক্ষের নাম

বিহার কমিটি সভাপতির নাম

১। বরের নাম: বাংলায়
ইংরেজিতে

ঠিকানা :

২। কনের নাম: বাংলায়
ইংরেজিতে

ঠিকানা :

৩। বরের পিতার নাম

মাতার নাম

৪। কনের পিতার নাম

মাতার নাম

৫। মঙ্গলসূত্রদেশক ভিক্ষুর নাম

ঠিকানা :

৬। বিবাহবন্ধন মন্ত্রদাতা গৃহীর নাম

ঠিকানা :

৭। বিবাহবন্ধন অনুষ্ঠান সম্পন্ন করার তারিখ

স্থান (ঠিকানাসহ) :

৮। বরপক্ষের সাক্ষীদের নাম, স্বাক্ষর, ঠিকানা

৯। কনেপক্ষের সাক্ষীদের নাম, স্বাক্ষর, ঠিকানা